

est plus grand paour pour nous autres compaignons estans en l'esquif, & que nous, qui desjà avions navigé 22. lieues par la mer, ne fumes plus loin: & que maintenant avions à passer la bouche de la mer blanche avec petite provision. Parquoy il a acheté du maistre navieure des Russes, trois sacs de farine, deux costez & demi de lard, vn pot de bure Ruslienne, & vn tonnelet du miel, pour la provision de nous & nos compaignons, quant reviendri- ons apres d'eux. Or estant ce pendant passée la maree, nous avons navigé par le mesme trou avec l'avant reflux, ou nous aborda l'esquif, & avons prins nostre cours en mer par vn vent de Sudest vers Nord nordouest, ou nous veimes vn coing s'avancant en mer, lequel pensames estre Candinas, neantmoins nous navigames outre, & la terre declinoit vers Nordouest. Sur le soir le Soleil estant presque Nordouest, voyans qu'en ransant ne pouvions guere avancer, & que la maree estoit presque passée, nous y sommes demourez a l'ancre, & y avons bouilly vn pot plein d'eau & farine, ce qui nous sembloit estre bien bon, par ce que nous y mismes vn petit de graisse du Lard, & vn petit de miel: de maniere qu'il nous sembloit estre Noel ou Caremeaux, mais fumes en peine pour nos compaignons, ne sachans ou ils estoient devenus.

17. d'Aoug Le 17. iour estans a l'ancre, nous veimes a l'aube du iour vne Lodige Ruslienne venant de la mer blanche. Nous la voyas, avons navigé a rames vers icelle, pour entendre d'eux aucune chose de nostre chemin: mais abordas ils nous ont incontinent donné vn pain, sans le demâter: faisant signe au mieux qu'il leur fut possible, qu'ils avoyent parlé a nos autres compaignons, & qu'ils furent sept hommes: & ainsi que les pouvions mal entendre, ou croire, ils Pont encor mieux déclaré, boutans en haut 7. doigts, & monstroient sur nostre barque: par cela declaras que cestoit aussi vne barque ouverte, & qu'ils leur avoyent vëdu du pain, chair, poisson, & autres choses. Or estans encor joints a leur navire, nous veimes vn petit Compas, par nous reconnu: lequel ils avoyent de nostre Comite, ce qu'aussi ils nous ont déclaré par signes. Quand nous avions le tout bien entëdu, demandames combien de tēps qu'il estoit passé, & enviers ou ils avoyent veus nosres: surquoy nous firent entëdire, que cestoit ellë le iour pre- cedent

*Pour traict de nostre abordement a vne Lodige Ruslienne, quand nous cuidames desjà estre passéz la mer blanche: qui nous ont instruit que ne fumes encor passéz le Cap de Candinas. & nous ont monstre grand amitie, vëdu des vivres, assavoir du Lard, Farine, Bure & Miel: ce qui nous donna bon courage, d'estre ainsi secourus, & qu'on nous avoit enseigné le droit cours, mais principalement surmenteez pour nous autres compaignons, qui furent de nous servoyez, et marcheris a mer.*

